

## МАРКАЗИЙ ФАРФОНА ЧҮЛИДА ЯНГИ КОРХОНА!

Уйда ўтирган аёллар, вақтинча ишсиз хотин-қизларни муносиб ҳақ тўланадиган доимий иш ўрни билан таъминлашга Фарфона вилояти ҳокимлиги устувор вазифа сифатида ёндошиб келмоқда. Бунинг учун маҳсус дастур тузилган, юзлаб лойиҳалар маъқулланган. Улардан бири ҳар бир туманда енгил конструкцияли тикув-трикотаж корхоналари ташкил этишдир. Фақатгина шу йўл билан 4,5 минг нафар аёллар бандлиги таъминланиши режалаштирилган.

Бугун, 5 ноябрь куни Ёзёвон туманинг энг чекка худудлари сирасига кирувчи “Тошховуз” маҳалла фуқаролар йиғинида “Yozyovon baraka chevarlari” масъулияти чекланган жамияти ўз фаолиятини бошлади.

Корхонанинг очилиш маросимида Фарфона вилояти ҳокими Шухрат Фаниев иштирок этиб, аёлларнинг бандлигини таъминлаш орқали уларга тўлақонли турмуш шароити яратиб бериш муҳим аҳамиятга эга эканлигини таъкидлади.

“Ўзбекпахтасаноат” акциядорлик жамияти томонидан бунёд этилган янги корхонада ишлаш учун 130 та янги иш ўрни яратилди. Мазкур корхонани қурилиши учун 1 миллиард 700 миллион сўм маблағ сарфланиб, Хитойдан тикув машиналари олиб келиб ўрнатилди.

- Белгиланган режага кўра, жорий йилда вилоятнинг 7 та ҳамда 2020 йилда 8 та туманида шу каби тикувчилик корхоналари ишга туширилади, - дейди “Farg’ona baraka chevarlari” масъулияти чекланган жамияти раҳбари Давронбек Жўрабоев. – Ҳозирда Риштон тумани ҳамда Фарфона туманинг Шоҳимардон қишлоғида лойиҳаларимиз амалга оширилиб, кўплаб хотин-қизларнинг бандлигини таъминлашга эришилди. Таъкидлаш жоизки, мазкур корхоналарга ногиронлиги бор хотин-қизлар ҳам ишга жалб этилади. Улар имкониятига яраша меҳнат қилсаларда, бир йил давомида белгиланган тартиб ва миқдордаги иш ҳақи тўланади.

Корхона иш бошлаган худудда янгиланган намунавий лойиҳалар асосида арzon уй-жойлар қад ростлаб, обод массивга айланяпти. Янги уй-жойларга кўчиб ўтган аёлларни иш билан таъминлашда бу лойиҳанинг ўрни катта. Мазкур корхонада “Тошховуз” ва “Такалик” маҳалла фуқаролар йиғинида яшовчи хотин-қизлар ишли бўлиб, уларнинг сафида 10 нафар ногиронлиги бўлган шахслар ҳам бор. Бу ерда меҳнат қилаётган 34 нафар хотин-қизлар тикувчилик касбиغا қайта тайёрланди.

“Жасорат” медали соҳиби, 2-гуруҳ ногирони Нодира Аҳмадалиеванинг ҳам орзуси ушалди. У яқинда “Тошховуз” мавзесидаги янги уйга кўчиб ўтганди. Бугун эса ўзининг севган касби – тикувчилик бўйича ҳам ишли бўлди.

Янги корхонадаги кийим-кечакларнинг ўз буюртмачиси бор. Шунингдек, ёзёвонлик қўли гул чеварлар томонидан тайёрланадиган кенг ассортиментдаги маҳсулотлар қўшни давлатларга экспорт қилиниши ҳам режалаштирилмоқда.

Фарфона вилояти ҳокими Ш.Фаниев корхонанинг тантанали очилиш маросимидан сўнг маҳалла аҳолиси, оқсоқолу онахонлар билан самимий сұхбатлашди. Улар давлатимиз раҳбарининг халқقا кўрсатаётган ғамхўрлигидан миннатдор бўлиб, дуо қилдилар.

2019-11-05 17:27:37